



Bainisteoir Cruthaitheach

Conradh Cuspóra Sheasta – Clúdach Saoire Máithreachais

Is mian le TG4 Bainisteoir Cruthaitheach, a bheidh lonnaithe sa Cheannáras i nGaeltacht na Gaillimhe, a earcú chun tréimhse saoire máithreachais a chlúdach. Ag freagairt don Stiúrthóir Lucht Féachana, Margaíochta agus Comhpháirtíochtaí, beidh an Bainisteoir Cruthaitheach freagrach as an bhfoireann a bhíonn ag cruthú ábhair agus as seirbhís cruthaithe ábhair TG4 a bhainistiú.

Is fostóir comhdheiseanna é TG4 agus déanfar iarratais incháilithe a mheas beag beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh nó ar duine den Lucht Siúil atá i gceist. Tá TG4 i bhfabhar na héagsúlachta. Fáilteoidh muid roimh iarratais ó dhaoine ó chúlraí éagsúla.

An Ról:

I measc na gcúraimí a bheidh i gceist, gan bheith teoranta dóibh, beidh;

- Clár oibre na Foirne Cruthaithe a bhainistiú
- Seirbhísí Cruthaitheacha TG4 a bhainistiú do pháirtithe leasmhara inmheánacha agus seachtracha
- Sruthanna oibre na Foirne Cruthaithe a bhainistiú
- Monatóireacht a dhéanamh ar chaighdeán oibre an Mhol Cruthaitheigh agus an caighdeán sin a fheabhsú go leanúnach
- Plean forbartha áiseanna, acmhainní agus scileanna don Mhol Cruthaitheach a chur le chéile agus a chur i bhfeidhm
- Monatóireacht a dhéanamh ar chúrsaí anailísíochta chun chomh héifeachtach agus atá an t-ábhar a chruthaítear sa Mhol Cruthaitheach a mheas agus aiseolas a thabhairt ina leith
- Ceannasaíocht a ghlacadh ar thograí ar leith
- Aon fhreagrachtaí réasúnta eile a mheasann an Stiúrthóir bunaithe ar riachtanais an ghnó.

Tabhair ar aird: Is treoir atá sa sainchuntas poist seo maidir le réimsí éagsúla freagrachta agus cuntasachta agus níor cheart breathnú air mar liosta cuimsitheach. D'fhéadfadh an sainchuntas poist a bheith faoi réir athbhreithnithe i bhfianaise struchtúir nua agus / nó athrú a bheith ag teacht ar riachtanais TG4.

Bíonn tionscal na teilifíse ag síorathrú. Glacann TG4 go fonnmhar leis na hathruithe seo agus athróidh an comhlacht agus dualgais na foirne dá réir.

Nithe atá riachtanach don phost seo:

- A bheith tiomanta d'Fhís, Misean agus Straitéis TG4 a chur i bhfeidhm.
- Fócas dearfach, cumas maith foirne agus taithí chruthaithe ar fhoireann a bhainistiú agus a fhorbairt.
- Tuiscint ghrinn ar lucht féachana TG4
- Taithí ar mhonatóireacht a dhéanamh ar chúrsaí anailísíochta, tuairiscí agus aiseolas a thabhairt
- Taithí mhaith ar chúrsaí riaracháin agus ríomhaireachta (ard-tuiscint ar Office 365, bogearraí cruthaitheacha agus dearaidh, na hardáin meán sóisialta agus ábalta córais nua a fhoghlaim go tapa).
- Ábalta feidhmiú go muiníneach agus go héifeachtach as do stuaim féin i dtimpeallacht spreagúil.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, réidh agus ar fáil in am.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.

Sa gCeannáras i mBaile na hAbhann, Co. na Gaillimhe atá an post seo. Tá polasaí oibre solúbtha i bhfeidhm i TG4.

4pm Dé hAoine an 7 Lúnasa 2026 an spriocdháta d'iarraais. Seol d'iarraitas mar aon le litir iarraitais chuig cv@tg4.ie.

Eolas Breise don Iarraitasóir

Grád an Phoist:

Grád 3

Uaireanta Oibre:

39 uair sa tseachtain. Mar gheall ar riachtanais an phoist, táthar ag súil go mbeifí solúbtha ó am go ham, lena n-áirítear a bheith sásta oibriú, nuair atá gá leis, lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal:

Beidh taisteal i gceist ó am go chéile mar chuid den ról, in Éirinn agus thar lear.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d'Fhostaithe • An Scéim um Rothaíocht chun na hOibre
--	---